



07222

施愚山先生學餘詩集卷之二十八

五言律

就亭漫興

孤城江楚接小築薜蘿間就地寬人方憑高破旅顏
洲橫橘柚四坐入雲山時見簷前鳥悠悠天際還

二

浮生安逆旅傳舍亦吾廬帆影寒雲外鐘聲夜月初定
巢容海燕作膾就江魚樗散行藏足寧知與世疎

三

芙蓉通北牖桐葉覆前楹坐引江湖興閒知草木情野
鷗窺畫檻賓客厭荒城多事詩篇在煩人識姓名

愚山先生詩集卷二十八

五言律

四

史隱無長策棲遲復此亭地畱三徑僻天與數峰青聞
道齊憂樂全生半醉醒仙人在何許閣岫日冥冥

百華寺

練中丞有詩對面卽百丈山

寺倚讀書臺荒庭雲不開山寒稀桂柏佛古徧莓苔晚
照孤帆下遙峰百丈來中丞題字後長聽野猿哀

送山陰張荀仲先輩東歸

夾岍丹楓路寒江獨送君官貧長少伴老去更離羣婚
嫁鄉心急湖山旅雁聞那堪遲暮眼回首嶺南雲

時令子桐

君石在

和許郡丞堯文勸輸白沙村

荒城鬱愁思轉羨谷中行冬霽疑春日官閒似客程塞
帷青嶂得倚杖白雲生莫怪徵輸苦無田久不耕

長至夜大可子威懷仲發若小集虛白齋

令節良朋集高談永夜清華燈明客館霜月滿江城款
款尊前事茫茫身後名葭灰何處動遠寺一鐘聲

諸子夜集署齋

羣彥真高會畱歡又別筵歌聲燈下緩詩態酒中偏烟
月輕寒夜江山欲暮年相憐同客舍且繫木蘭船

畱汪發若同年夜宿官閣

離索成吾老殷勤盡此觴明朝又分手今夜各思鄉官
閣寒梅發江帆別路長幾時重剪燭爛醉復連牀

愚山先生詩集

卷二十八

五言律

二

釣魚臺

青原

莫問垂綸客空臺倚翠屏路穿危徑穩潭受衆山青盤
石偏畱樹懸巖好置亭夕陽看不厭泉響正清泠

就亭卽席送康侯還武林

繫纜一尊酒孤亭接遠山苦吟詩獨穩久客意長閒出
每畱僧寺歸應閉竹關春風湖上綠新柳不同攀

入春

入春雷早發驟雨漲平沙地冷魚依藻庭空鶴啄花遠
聞殘笛罷頽倚接離斜不分清江水偏涵短髻華

胡萬咸畱滯石谿寺

三載難歸客鄉書到幾封石城春入夢江寺雨聞鐘沙

碧添新草雲深失遠峰猶餘鵲鵠淚遺恨楚山重

時將入楚

歸其亡弟旅觀

連夢家叔父

累夕東歸夢悲歡不自持髮知滿眼白書恐到家遲耐
病長拋藥逢閒誰共共基鄉園安穩未吟望首低垂

宋柴雪少叅入賀

詞臣今岳牧行役復京華夜雨江邊柳春潮天際槎官
移長戀闕帆轉暫還家芳草王程徧應忘驛路賒

連雨

日日西山暗春光竟若何人從不寐老花落未開多野
寺沈清磬江亭付白波苦吟餘數子躑躅幾回過

愚山先生詩集

卷二十八

五言律

三

乍晴

水榭歛無恙簷禽暖一鳴把書除眼暗開慢覺身輕沙
嶼烟中出江流樹杪平敬亭梅好發望遠若爲情

計伯孔植慎清攜酒集伯璣湖上草堂

共有幽人興相過處士家湖平三徑草雨晴一春花汀
鳥翻書屋山雲趁釣槎未成歸隱計得醉卽生涯

二

雨坐得淹畱春燈散旅愁醉歌驅白髮咫尺到滄洲好
製烟中艇誰添湖上樓尚思徐孺子踪跡此會遊

草堂後卽

孺子亭舊址

春日宮亭漫興

獨鳥下高柯微風動碧波竹陰春晝厚山色夕陽多身
嬾從書積花開得客過陶然一樽酒川上起漁歌

侍家叔父同諸公集來鳳亭

移棹忽聞鶯芳洲此日晴樹陰連野澗山翠入江明倚
醉親魚鳥行歌荅友生不知春草色何與故園情

宿雲亭

山勢隨江曲亭孤傍嶺開片雲閒不住雙燕去頻迴野
渡歸樵便村烟出樹來莫愁春欲暮雷與一銜杯

吳六益虔州書至

旅食虔州久高歌羨爾閒聽鶯時倚樹閉戶日看山老
去從雙髻詩傳到百蠻主人能好客披豁共開顏

愚山先生詩集

卷二十八

五言律

四

夜坐就亭卽事

暮帆烟際歇歸鳥日邊迴臺迴收山郭江清送酒杯月
梧翻檻白風竹過牆來得句呼兒和婆娑懷抱開

送同年顧銘伯子來玉

若翁真意氣見子獨酸辛旅食吳絲換行歌楚水春扁
舟長載酒一罌官因人更傷虔江去愁連瘴海濱

江樓宴周處州侯金吾

遠浦入層樓清尊坐上頭忽飛千嶂雨早變一江秋畫
省餘吾黨青門老故侯平生逸興在未忍負沙鷗

月夜送方位伯歸院

古寺頻年住歸帆趁月行寒光山共白孤影水俱明湖

口秋潮急江頭戎鼓鳴懸知浣浦夢時到石陽城
送李維饒孝廉赴禮闈

蒿菑對離筵飛騰正少年鄉心依白髮帆影入青天江
海生秋早燕吳共月圓君家有舊物行矣賦甘泉

秋夜懷金牛泉上亭

此夜江亭月何人倚檻看露將松影白泉與磬聲寒枕
石閒堪臥抱琴幽可彈永懷清境遠惆悵正更闌

懷黃坤吉客廬陵

見說相思切心知作客難山雲連海嶠木葉下江灘旅
病逢秋減歸期逼歲殘螺湖好明月畱眼醉同看

中洲精舍王臨江攜酒

愚山先生詩集卷二十八 五言律 五

孤洲山郭外隔水自僧家霜栢初紅葉秋茶正著花江
空清鼓吹野濶就雲沙興極回舟處前林已暮鴉

送翁克凡同年兼懷劉覺岍

畱客知無計傷離苦太頻朔風雙短鬢寒雨獨歸人吳
甸鄉關晚燕山旅食春如逢劉子驥爲報欲垂綸

懷劉孔植

時節推南安

東魯推才彥天南久滯淫郡荒愁不減官冷病相尋粵
嶺烽烟逼蠻鄉瘴癘深應知歸思切夙好在園林

懷朱遂初都諫入秦

朱嘗備兵固原

垂老幽棲客浩然關塞遊出門鴻雁到中路雪霜愁邊
驛依荒戍番民識故侯丈人筋力健應躡華峰頭

石蓮洞

舊爲虎穴羅念菴開而居之虎遂絕跡洞外置書院別館今並廢

傳聞羅學士手闢此山阿驅虎自安坐避人時獨歌陰巖斜日到曲洞碧雲多庭館何蕪沒高松遍女蘿

與伯調夜酌時江干駐兵

一別成斑鬢三年復此觴官愁憑客遣身老怪兒長城上烏啼月洲前雁帶霜天涯更兵甲誰是不思鄉

金牛寺和商賢

古寺江烟裏清泉背郭幽亭空木葉下風緩浦雲留遠色移漁艇寒光滿佛樓東流元不住何事起人愁

歲晚送熊漁濱

歸路復停舟山城共倚樓暮雲依樹宿殘雪照江流歲愚山先生詩集卷二十八五言律 六

月寒催別琴樽客緩愁高堂應望切明日到南州

讀楚村集追悼丘海石

時索子序

故人遺詠在雅志託巖阿彭澤辭官早靈均憤世多悲風生海岱往事感江河玄晏吾終忝高懷奈若何

荅商賢廬陵僧舍見寄

高館雲皆散荒城客未歸醉吟尋野店鷗鳥伴僧扉嶺霧寒天暗江梅臘月飛相思多苦調轉恐寄書稀

海慧寺招悅之

逸興在郊坰尋僧倚翠屏還傳慧遠社偏近子雲亭野菜爲園古巖松抱閣青官來同步履一笑俯江汀

宿大洲僧舍

萬氏對晰卽生米潭是許眞君煉丹處

長風催落日暝色就孤村農父寒移榻兒童喜噪門野
莼香客饌潭水汲仙源歸夢無遷次他鄉已故園

吉州懷田未若客舍

別君纔幾日細雨落江梅客夢秦關遠春光粵嶺來寺
幽勤把卷山好對銜杯莫漫看芳草歸心萬里催

寄余季蘆先生莆陽

鷺渚殘秋別烽烟又幾年寄書愁道路行藥嬾詩篇海
日春潮暗山城暮雨懸白頭無恙在得醉且高眠

贈商賢

京洛歸何日狂歌興不違家傳殉國劍身老釣魚磯作
客燒黃獨尋僧臥翠微風流滿江漢祇覺似君稀

愚山先生詩集

卷二十八 五言律

七

南州別宋柴雪後重寄

不覺頭俱白相看說故園披帷書傍枕解纜雨攜樽官
許羣鷗狎詩邀處士論誰知今夜客回首望章門

寄楊和州仲延

地為張
籍故里

使君五馬貴勝蹟八公山雉乳行春遠花深臥閣開田
家兼釣弋邑里控江關部下尋張籍誰當共往還

來鳳亭晚集分韻

綠浦繫蘭橈紅亭覆柳條花飛江郭滿峰對閤山遙宿
鷺歸寒渚餘霞散赤霄迴舟月皎皎何處夜吹簫

送麻天為歸里

才健能高臥家貧始欲愁素心千里見多難一身雷風

雨添人老江山慰客遊戰船今滿眼何處泊孤舟

贈陳元水歸豐城陳本
哭人

到日看花發歸帆帶雨行老為江楚客夢懶闌閭城多
難殘編在長歌白髮生誰能知劍氣空傷斗間明

二

久客真無事多才自不閒醉頻書白練老來買青山積
水荒城動高林獨鳥還相思江路近且莫掩柴關

懷王枚臣嶺南

入夏融風熱炎州還獨遊山阿蠻洞合江黑瘴雲流客

舍嘗丹荔高堂憶白頭越王臺自好多恐滯蘭舟

寄送王願五同年王解官坐累留
南州歲餘始歸

愚山先生詩集卷三十八五言律八

循吏今時拙家貧未敢言羈縲淹歲月歸臥好田園竹
色背城綠泉流遶屋喧白頭問叢桂倘遂許攀援

周計伯自贛州司理遷大同郡丞過別

路向雲中去維舟問草亭一樽江共白百折髯還青策
馬臨關遠吹笳傷塞聽此心如贛水滾滾送揚舲

懷程周量舍人

語默今誰向文章昔共論江亭秋把臂河館雪銜尊過
眼高雲散離心芳草繁歲星人不識長隱傷金門

李屺瞻之官嶺南

尊殘歡未盡路遠別尤難六月浮孤艇全家就百蠻守
官諳習苦執法好求寬過嶺有新句南風憑寄看

送犀公入西林

地近天池
佛手巖

龍沙飛錫杖遠過匡山陞江路月明夜湖帆風正時問
巖攀佛手洗鉢近天池會叩禪扉去浮雲未可期

去官暫歸酬熊少宰

盛世官常省歸休適稱愚 主恩閒日月吾道合江湖

落木看山近扁舟帶雪孤餘年應著論倘許繼潛夫

留別黎左巖學使

公有嵩
岳記遊

歸興滄波外唯君繫別情文章成棄物身世得無生杖
躡嵩丘遠家臨江水清蓼洲秋月夜長憶此同行

熊少宰邀集螺墩

冒雨登湖艇移尊集水亭潦收孤嶼迴雲斷半山青畏

愚山先生詩集

卷二十八

五言律

九

路元多病清時敢獨醒君看葭菼外歸雁去冥冥

香城宿慧公房

幽尋逾疊巘禪室在中峰地與諸天近雲連萬壑重開
心論白業清夢接疎鐘惆悵支公遠彌懷塵外蹤

南昌荅吉州司理陸靜涵送別

時同破菽以
兵阻未發

搖落楚天客羈棲鼓角驚暮雲長獨往滄海共君行水
濶孤帆影秋歸萬葉聲寸心螺渚月終古照人明

泊樵舍

漲減水逾急秋陰未夕昏亂山成野戍黃葉自江村帶
雨疎星見回風絕岬喧經過多戰艦茅屋幾家存

重過望湖亭

古亭復丹雘荒阜舊嵯峨彭蠡烟中小廬峰雲外多天
晴喧雁鶩秋漲走龍鼉忽覺歸心切茫茫厭白波

石鐘山

山以水石相激成聲今寶鐘寺前懸崖橫出卽
坡記所謂中流大石微風鼓浪者也循此至東
北崖盡處俯聽之皆噲咤盈耳時人猶擊石控
控也

崔嵬崖際寺巨石與波分峽坼千帆落山鳴萬古聞江
城含宿雨廬阜共寒雲臨眺懷蘇子風流孰似君
泊彭澤縣登落星亭同阮懷作

舊名七星臺孤亭面江俯視小孤山如鳧逐風

愚山先生詩集

卷二十八

五言律

十

翻僧竺雲言昔有星落于此余名之曰落星亭
江縣山亭小仙壇倚石扉寒星崖際落孤嶼浪中飛蘆
渚起寒曉楓林明翠微柴桑迷舊蹟閒看浦雲歸

寄題龔野遺半畝園

小築江城地幽棲物外心竹梧經手種蘿薜閉門深雲
氣涼依水鶴聲清滿林惟應嵇阮輩來往得相尋

周侍郎枉過寺寓攜酒饌

旅次僧廬靜高軒肯數過玉壺攜酒綠江月近樓多詞
客感凋謝勞生託嘯歌真成文字飲不醉欲如何

夜泊黃池

晚晴殘雪後遠岸夕陽邊葉盡楓難辨漁歸網自懸客

角寒趁月茅屋夜舍烟試覓幽人語燈明恰未眠
臘八日青谿玉山兩精舍見約不赴

數有招提約真蹟避俗心野橋沙際滑山塢雪中深香
饌空煨芋寒鴉出少林高樓頽極目何處白雲岑

哭杜心上人

七年纔會面永別痛如何臨逝畱書訣平生作偈多石
函經寂寞佛閣志蹉跎雙屐看山近從今已倦過

懷劉千里歸楚

垂老來何遠殘冬悵別筵雨中春穀路雪後漢江船吾
道貧非病世情愁可憐空山歸臥得消息好誰傳

過高淳縣有懷邢景之于漢

愚山先生詩集

卷二十八

五言律

七

縣小無城郭民繁俗自淳夕陽魚滿市茅店酒畱人宿
鶯橫烟去垂楊逐岍春惟憐素交在相憶隔湖濱

早春水陽尋唐耕塢舍人

作客每經歲君從何處歸不禁老眼暗重惜故交稀日
月消書卷門庭俯釣磯林頭有斗酒畱與待芳菲

雨泛東溪就吳自明飲

門前新草色遠接碧溪隈短棹撥烟去輕鷗逐浦回梅
花村外笛竹葉雨中杯舊識春風好殷勤拂面來

贈吳園次湖州

官就滄州好名高畫省間多才賓從盛劇郡嘯歌閒夜
訪茗溪月春茶顧渚山相過思汎宅醉臥不知還

諸公各攜尊簋踏春

淺綠明新霽野橋通亂泉攜樽成彥會就草自芳筵竹
逕僧廬得春風水郭偏老梅存舊圃花亞短籬邊

過湖北山家

路迴臨石岬樹老出牆根野水合諸磻桃花成一村呼
雞過籬柵行酒命兒孫去矣吾將隱前峰恰對門

雨後

歸田復多病寒雨送三春高柳不藏閣流鶯解就人道
心看物變時論薄官貧無限扁舟意澄江滿綠蘋
方鄴晚過小園因憶阮懷耦長客旌陽

獨嘯憑溪閣幽人過草堂入林心共遠作賦鬢全蒼雨

愚山先生詩集

卷二十八

五言律

七

散留餘照春歸歇衆芳比鄰懷二妙南望暮雲長

簡枚臣明鏡巷

已爲紆組客仍作入林遊雨色江城暮灘聲野寺秋看
山時岸幘掩卷坐臨流倘憶談經處依稀白鷺洲

兩水居士詩爲張十二作

張大父有尚書祠

屏跡懷烟水澄江獨對時山鄰謝公宅雲護尚書祠
釣觀魚樂行歌采藥遲不愁無長物樽酒數相期

茗溪秋泛

旅泊烟波裏扁舟日看山岬過走馬埒潭問釣魚灣
菰供飢爨荷風醒醉顏回思簪笏客今古幾人閒

吳興值四明孫介夫

廣陵一醉別重泛五湖間到處識狂客相看非舊顏蘋
洲秋雨急雪竇草堂閒共說吟將老行當臥碧山

二

論文誰不重祇覺知音稀遣病日尋藥畱賓時典衣世
情湖水濶生事釣船微楓色催寒近羈棲尚未歸

同園次道場山晚集歸雲菴用韻

盡日看山徧招提戀夕遊蒼巖陰帶雨碧樹老禁秋池
憶仙人酌亭因處士畱回舟仍載酒吟向白蘋洲

資福寺用壁間韻

地皆竹林有
泉出厨下

共是疎篁裏香泉別衆山石樓寒佛寺茶竈接溪灣片
雨前峰過高松獨鶴還閒來坐明月橋畔聽潺湲

愚山先生詩集

卷二十八

五言律

七

陸高仲羅弘載過宿寓樓

正爾相思日君回入剡舟看雲孤閣暮聽雨萬峰秋湖
市平青靄僧房到白鷗老來貪故舊幾歲不同遊

酬汪聞遠

好客汪倫後風流復此人獨尋丹壑遠交與白頭親揮
翰才偏健藏書家未貧飛揚看爾輩不必戀松筠

湖上荅柴虎臣

別憶傳書遠來將短髻看暮年生子得古道向人難雨
隔山城暗湖連客舍寒相逢遽分手又過子陵灘

湖樓對雨

住爲中秋月連朝聽雨聲寒侵高枕濕白擁亂峰平遠

寺幾時到斷橋誰獨行南屏桂花發搖落正關情

錢塘觀湖

海色雨中開濤飛江上臺聲驅千騎疾氣捲萬山來絕
岸愁傾覆輕舟故溯洄鴟夷有遺恨終古使人哀

陸蓋思見過湖干

湖漲無三徑故人相見稀君尋白嶽去却下嚴灘歸倚
檻臨秋水銜觴遲落暉重來定何日豫約款郊扉

泊富陽

趁潮舟早發空翠濕單衫浦暗繁烏柏風輕飽布帆縣
門流水對城堞半山銜路近嚴陵瀨重雲隱暮巖

過子陵釣臺

愚山先生詩集

卷二十八

五言律

古

千迴青嶂裏臺迴出松陰片石此天地荒祠自古今瀨
寒沙鷺遠山暝窟龍吟欲問垂綸意桐江秋水深

富春江

樹色蒼還綠波光曲更青一江漁艇絕何處客星明飛
瀑林中雨斜陽山半晴不知人住處遙見暮烟生

泝江灘

長江知不住聲急更爭流故醒歸人夢偏遲去客舟騰
波逾鳥疾喧峽共猿愁磯上持竿叟忘情已白頭

將至江山縣書所見

灘舟南去晚轉賴北風吹雙檣夾崖口丹霞照嶺時溪
藤翻翡翠漁艇喚鷓鴣山色初晴好行將近武奪

過江山畱贈萬介公明府

有美絃歌彥舟車倦送迎風烟連百粵驛使滿孤城山
對江郎秀泉看須女清民勞誰共惜重繫旅人情

毛氏桂林作

靈境西山曲青冥別岫通陰林迷鳥路錦石亂花叢巒
翠孤雲外風香萬谷中好將亭館置幽興復誰同

仙壇

在江山縣
青湖鎮

近嶺仙壇古盤空石路青山頭仍畫閣樹裏幾茅亭幽
壑藏蛟穴高松見鶴翎雲峰頻極目何處問丹經

宿許州

在建
寧界

灘險泊難定繫舟尋岫藤水祠殘壁在戍壘暮烟增月

愚山先生詩集

卷二十八

五言律

五

白江村渡松然野店燈巴歌何處得聲徹碧雲層

天游峰一覽臺同阮懷得寒字

武奇
山中

誰知青嶂窟轉入白雲端落日嵐烟動穿天石骨寒溪
流隨面曲峰簇就人看鐵笛聲何在中宵獨倚闌

水簾洞

在丹霞
嶂之右

路劈傾崖裏人從複壁行陰霞千嶂列細雨一簾成風
迴懸難定嵩虛靜有聲憑誰開采藥堯韭圃邊生

入小桃源聞藥公將築精廬于此

地曲山畱塢天驅石作門何人營竹屋禪客愛仙源入
谷林泉曠披雲花藥繁隱屏吾擬住晨夕好相存

雲窩贈李懷之

李以茶洞為業
洞中有清隱岩

得盡看雲興誰言處士貧石門青靄入書舍紫陽鄰歲
稔憑茶洞溪晴試釣緝未知清隱地更許住何人

鼓山涵泉寺

幽磴盤空曲飛泉涌化城海風巖際落江雨洞中生說
法龍來聽聞鐘石自鳴不辭筇杖遠絕頂更孤行

至莆中謁余吏部賡之先生

壺嶺飛雲外山城壓海邊我來楓葉候恨失荔枝棗浦
絕又魚艇人荒種蛤田開關逢舊好款款不成眠

夜投福清五里橋

瘴鄉山下店虎穴路傍身半榻支橫木孤燈絕四鄰土
瓜充夜饌藤架補厨薪怪底天風急偏吹不寐人

愚山先生詩集

卷二十八

五言律

六

三山哭翟象陸副使

新懽悲永別相信各平生宦蹟存忠厚天心厭老成遺
文身後事畱客病中情淚灑三山滿君聽巷哭聲

二君有桐園別業

幾歲還家夢終成瘴海身桐園誰杖屨涑水遂荆榛世
業傳經好官錢垂橐貧高堂應慟絕八十白頭人

憶賡之先生莆田

荒城三日雨遠別各衰顏吹角殘村戍連雲瘴海山病
堪無藥物老復夢江關誰見離人恨孤帆落葉間

途中懷劉潤伯都使

他鄉會聚難一月病相看意氣逢人盡風霜念我寒世

滄海變交重白頭懽莫漫憑醫藥加餐好自寬

野宿距浦城三十里

歸心厭客程殘照促舟行灘與露將白山迴月乍明燒
榛防虎穴聽水失鷄聲世路難安枕非關羈旅情

仙霞嶺霧雨

重霧成微雨浮雲暗遠峰路危迷一線巖滑轉千重荒
戍寒無火層水白在松欲尋僧舍宿何處有疎鐘

愚山先生詩集

卷二十八

五言律

七

施愚山先生學餘詩集卷之二十八終

施愚山先生學餘詩集卷之二十九

五言律

閩南客舍

海畔正搖落烽烟還是非客愁隨月滿鄉夢逐雲歸近
市諳蠻語憑人授客衣昨來經雨數蟲響逼宵扉

閩還至青湖

過嶺見山雪始知天更寒客多爭竹艇歸急便江灘亂
壓書籤折頻開藥裹殘蘭溪問美酒一酌倘加餐

曉發蘭溪

萬戶江城上沙烟曙色分數峰明霽雪一棹下寒雲鴻
鵠朝何往鷓鴣日幾羣舊傳三洞好仙路恨空聞

愚山先生詩集

卷二十九

五言律

一

贈項嶠雪

鴛湖遊造次相識遽難忘官興陶彭澤家園顧辟疆尊
疊從野飲步履到僧房愁見分襟處孤舟正雪霜

蔣大鴻重至宛陵卽送其還山陰

大雅如君少風流衆所歸相看雙髻改誰解寸心違吳
越皆鄉土行藏共釣磯扁舟須就汝同調未應稀

雪中種竹和鄭次公水部

纔見梅花放重移竹數竿比鄰分種近凍土著根難影
入空庭白清添滿坐寒醉來披鶴氅仔細向君看

嘉卿至自清江

夜雨清江漲江門得故人開顏客病減對酒柳條春道

合艱虞日天雷肥遯身何年同採藥不蹋市頭塵

中洲寺

明江

異香沿水發清影到門深何代黃楊樹孤洲翠竹林烟
雲偏法界鷗鷺共禪心落日滄江客悠然倚杖吟

送龍臚先宰遵化

才譽南金重分符古北平巖城切畿輔茂宰易聲名土
沃屯兵在官勞策馬行溫泉清可愛正好濯塵纓

半山菴

杪秋復新霽草木賸春芳竹裏改僧徑松間添客房園
蔬一畝足筐果四時藏纔是重陽後東籬菊未黃

遙和王阮亭客部同爾止宿牛首一盞樓見懷

愚山先生詩集

卷二十九

五言律

二

建業六朝寺春卿足勝遊幽人同永夕清嘯復高樓月
與松林白江涵天闕秋遙知相憶處應聽斷猿愁

荅王客部寄題就亭

兩年去官舍常憶小亭幽復在故人贈舍情感昔遊半
庭陰古柏一步接滄洲不及同登望誰憐楓樹秋

同諸公集玉山寺和陳蓮人

薄遊期屢悞不易是尋山詞賦看時輩林峰慰老顏息
機遲媿拙散病早知閒向夕高雲合畱人未遣懷

二

幾年耆舊濶幽事得僧同對客把詩卷看雲穿竹叢亂
峰歸鳥外紅樹碧波中吾自陶潛輩千秋憶遠公

過顧與治舊居今爲鄭汝器宅

故人棲隱處不到十年餘問宅更三主寒梅覆廬亭
畱醒酒石壁賸換鶯書稍喜辟疆地猶爲鄭谷居

偶書筆工扇

諸葛鼠鬚筆宣州夙擅名到今存舊法許爾得孤行傳
可專毛穎功優佐墨卿中書吾老嬾慚負故人情

夜過阮懷

永夜攤書帙燈明敞竹關共看溪上月正照城頭山
酒比鄰得移家何處閒論詩成底事相接一開顏

雪夜

積雪荒城暮堅冰欲上鬚風鐙疎影亂寒雁一聲無遣

愚山先生詩集

卷二十九

五言律

三

事難辭老安身得守愚扁舟藏凍浦何處問江湖

半公遊黃山

眞僧愛名嶽春入早支筇獨去尋深寺幽居定幾峰雲
來見滄海雪淨聞清鐘猶恐層冰在巉巖細路封

李遷于以病還歛

冬春同病久忍淚送君歸藥裹行隨路山村舊掩扉寬
心遲白髮減事發清機會有加餐日毋令音信稀

伯璣豫章書至兼示湖隱近詩

江路頻通訊逾年得報書傷城成臥隱出戶卽樵漁病
裏詩能健貧來友不疎老夫慚老嬾差可賦郊居

寄周伯衡南州

三年猶旅食何日作歸人送老誰供酒看花好及春湖
山寬客病林壑笑官貧北去如相問蕪江是近鄰

柏子菴

門陰鴨脚樹路接蟹山岑清磬晝長寂片雲晴自深烹
茶邀過客遺飣餽禽見說南郊叟時來倚杖吟

山門

在寧國縣石闢成門中有諸
洞其一爲瞿硎先生石室

石扇開橫岫春陰過杳冥地寒雲樹古峰挾寺門青移
杖分林洞流泉出戶庭前山看不極招手接瞿硎

鑿鐵菴

鐵壁看無路雙巖又石屏屋多憑地少棧轉觸雲飛暗
裏深聞磬空中翠滿衣客遊情賞劇不擬住僧稀

愚山先生詩集

卷二十九 五言律

四

懷梅季升用阮懷韻

梅尉風期遠菰蘆有此人驅愁甘就老力疾恥言貧舊
釀牀頭盡殘書枕畔親扁舟通硤石誰復往來頻

汪舟次雨集汎舟紅橋

同劉公誠唐耕馬孫
豹人程穆倩孫無言

出城通野艇鼓柁過名園只爲論文友重開對雨尊亭
臺緣浦澍雲樹接江村悵望平山路風流二老存

二

幾歲法曹去橋邊彥會稀

王阮亭理揚州
有紅橋唱和集

湖山畱畫舫

耆舊老漁磯烟際水初合雨中鶯不飛繁華烽火後楊
柳又成圍

喜張鞠存吏部至

淮口何時到邗江慰索居不嫌音問少各訝髣毛疎生
事餘叢桂青山滿舊廬老來矜歲月別後著何書

寄張雲子

才健棄繻日詩傳入洛年飛揚看少壯棲託宵林泉臨
浦山樓澗藏書石屋偏聽歌重授簡回首憶離筵

送張九宣還秣陵兼憶陳少叅

時九宣以陳書至

漫爲宛水客不共敬亭遊爽垲看楓落孤帆帶雨秋交
情存簡略詩思合窮愁歎息元龍老秦淮尚滯留

濮朗元過訪有贈

屏跡成疎嬾荒園付草萊霜留殘菊在月照故人來共
學看垂老論文敢負才鄰家有斗酒判取盡深杯

愚山先生詩集

卷二十九 五言律

五

同里諸公集澄江亭

地有張尚書祠

素侶論交地寒潭百尺澄江山憐故舊雲樹得憑陵風
起帆爭郭漁歸浦挂簷尚書遺跡近步履尙相仍

二

謝李風流在吾儕復此邦清尊臨極浦暖月滿寒江葉
落雁無數沙明鷗自雙宵分歌未歇何處曉鐘撞

送巴江李朗仙暫歸鍾離

歲晚歸人急天寒別恨賒留淮渾渾忘客憶蜀尚浮家野
戍風中角江梅雪後花相如會乘傳萬里向三巴

元旦後二日雪晴

北樓山郭裏積雪晚晴時川白流漸水風迴凍雀枝獨

吟開幔數飢爨覺烟遲父老爭占歲聲喧土穀祠

贈楊仲建

白首仍強飯清溪繞竹門花前來燕子雨後長龍孫勸
客一尊滿藏詩幾卷存過從爲耆舊搖落不須論

偶至溪園看花

造次風花暖春光太遽歸纔看滿眼放誰促片紅飛身
病閒難遂家園到亦稀行當就幽興散髮掩荆扉

爲馬雲人題澄江草堂

敬亭真在眼小築復臨流木榻攤書卷風簾進野鷗醉
吟從獨往生事笑人愁隨興閒相就門前有釣舟

舟中見新燕

時張菊水李朗仙
梅耦長同賦屬和

愚山先生詩集

卷二十九

五言律

六

汝到知時節殷勤傷客槎銜泥衝雨急逐伴掠谿斜烟
寺初低柳江城半落花那堪正寒食遊子又離家

二

春去關情甚重禁燕子催舊巢何處在滄海隔年來節
序看蓬鬢乾坤剩釣臺江泉憑悵望橫笛爲誰哀

江關值顏修來儀部榷滿將還

旅泊成良會相看又隔年獨吟收野老高興話林泉把
酒江平檻還家書滿船經過洙泗在努力問前賢

過徐青溪寓園

幽棲就南圃郭外自山村舊業烏衣散殘書草閣存倦
遊成出處小摘稱饗餐畱客偏泥飲還歸月在門

酬劉藜先

金陵讀書客江郭草堂人樓小烟波見庭閒花藥春論
文先習靜取友故耽貧多恐秦淮別相思有夢頻

梅八丈子翔臥病書來送別

力疾頻書札開緘淚滿襟憑詩扶老在恨別與愁深山
雨落花夜江關孤客心相期各無恙藏酒待同斟

將入都酬何省齋

倦遊思遁跡垂老薄論詩惜別又千里開懷共幾時浮
沈金馬地浩蕩海鷗期不是虞翻傲平生誰見知

徐州來宅同商賢

緩酌論文字江城此會稀避人安獨嘯依水得清暉春
愚山先生詩集卷二十九 五言律 七

樹漁舟過晴雲客座飛廿年小阮貴不改舊荆扉

胡國堂邀集畫舫卽事

乘漲青溪曲回舟赤石磯葵榴明野岬楊柳動江扉目
換名園接尊移莫鳥歸平生爲朋好力疾興難違

荅商賢送別用韻

江水去不歇野雲諧我心自慚成小草未許共長林老
覺名交累開看歸計深朱絃君自愛倘復有知音

酬郭汾又送別 郭蜀人流
萬吳興

長干重會面雨坐寸心深好占花谿住徒傷越客吟岳
遊雙屐在家遠二毛侵聖代詞臣貴應無歎陸沈

半峰菴訪葉林屋

尋君出南郭古樹寒春山高館就僧僻片雲留客開詩
篇連几榻旅食老江關不共長干住何由數往還

黃俞邵書齋

耆舊白門少藏書黃氏多客應來李郭句好似陰何高
坐向修竹古牆橫薜蘿奇編思借讀袞袞又虛過

貞壽詩介高母郭氏六十

郭江寧人十六歸處士高前基一夕而疾作遂
異寢十日卒郭矢節奉姑以孝聞

苦節尋常事新婚恨獨深合歡雙淚眼一夕百年心
桃李當春落松筠耐雪侵重開貞孝備感歎共沾襟

磨盤山

愚山先生詩集

卷二十九

五言律

八

踏山作平地巍坂尚千盤疲馬踟躕過層峰出沒看風
塵偏病眼驅迫豈微官自古長征客誰知行路難

徐州五日

河上天中節秦淮簫鼓時道途過歲序風土薄蒲葵遇
舊沽吳酒招魂倦楚辭轉憐無競渡不起故園思

追和配贍廣州見懷之作

時同被裁

同是還家客憐君滯粵城客塗五嶺盡瘴雨幾朝晴跡
合行藏日才兼吏隱名得閒良不易各自愛平生

懷欽州王莪懷進士

時郡使君曹公相善

南宮通籍久林壑故淹留時遇宛陵使招余黃嶽遊藏
書橫石榻種竹遶山樓送酒江州在杯乾倘不愁

贈胥任安麓菴

賦減官仍劇年荒驛更難不辭塵甑苦猶授故人餐京
縣徵書早琴堂海氣寒憐君文字癖肯索近詩看

王考功西樵戶部阮亭先枉寓舍

倦客荆扉掩同心二妙來論文堪日落執手各顏開歲
月東方米風沙郭隗臺誰知郎著地今有絕羣才

和沈康臣舍人歲暮喜得余書之作

舊好頻年隔相思伏枕餘寧知青瑣客苦憶素交書松
火圍寒坐溪窗聞夜漁燕吳各天末搔首一愁予

金長真汝寧書至兼寄所選何大復集

闕下羈棲日天中尺素來同曹成契濶竝馬舊追陪薄
愚山先生詩集

卷二十九

五言律

九

宦浮雲遠窮交暮景催品詩推記室嗟爾善論才

得毛大可書

尚作梁園客生涯老奈何行吟徧嵩嶽歸夢遶黃河羈
旅文章賤愁人道路多倦遊應息駕吾亦返巖阿

與田子綸舍人

舍人詩思劇窮巷宵相過官冷金門貴心閒滄海多暗
蟲催夕杵涼雨濯秋荷莫厭飢方朔狂來據地歌

王阮亭雨中見過

世路塵中過交期物外親濕雲迴入幔連雨故畱人篇
翰供閒事關山驅客身知音相藉在還往敢辭頻

次韻汪蛟門舍人見贈

急雨涼秋入孤雲向夕還
羈棲得枚馬詞賦共追攀
索筆時趨陸耽書日掩關
猶煩解玉珮款曲醉衰顏

二

論交真造次何處更相期
每踏昭亭路思君杖策時
病身從把釣野性愛烹葵
京洛千秋事憑詩記別離

雨宿壇院

杖藜成薄暮亭館坐忘歸
微雨洗山月白雲生客衣
松槐千樹合笙鶴九霄飛
自笑塵中老來遊此地稀

京邸夏杪宋荔裳宴王氏園林限韻四首

同曹顧菴陳說

巖王西樵阮亭程周
暈許青嶼沈釋堂

客許南皮會園疑歷下亭
雨聲煩暑散樹影數家青
讌愚山先生詩集卷二十九

五言律

十

坐從疎密雲烟屬杳冥
解衣成永日城闕已郊坰

二

北窗高枕得野興復招尋
白首萍蓬客清樽湖海心
雲迷蘿徑曲人語石堂深
莫計升沈事涼風正滿林

三

漫言誰主客隨處卽林塘
杯試仙槎古花連烏几
香艱虞才不盡飛動意難忘
明日攜春卷還來臥石牀

有銀槎杯

元朱碧山所製

四

過雨疎簾捲輕雲入檻流
乾坤憐此夜河漢近新秋
旅病疲征馬歸心逐釣舟
祇應戀朋舊京雒暫淹留

遙和沈康臣曹頌嘉注蛟門喬石林四舍人遲子

未赴之作

在坐者青嶼荔裳顧菴
堂西樵周量阮亭陶季

殘暑槐陰靜夕陽秋氣佳故人兼上客曲宴復高齋
古悲歌地風塵丘壑懷如何良會隔獨夜坐空階

二

露坐從清夜長吟送濁醪風騷成底用天地笑吾曹倚
檻星河出過橋山月高招尋憐袞袞別路首重搔

過冒穀梁寓舍地近御河

離索情何劇羈縲典不孤臨高望城闕依水當江湖名
姓君王識篇章故舊俱最憐清絕地蚤晚一攜壺

雨後柬子顧

愚山先生詩集

卷二十九

五言律

七

歸魂驚夜半一雨覺秋多巖谷老叢桂江湖添白波隨
人傷汗漫得句失蹉跎客舍還離隔衝泥誰數過

次韻龔宗伯見送遊嵩山卽歸宛陵四首

阜帽多幽典青山許獨遊暑殘燕市雨楓報洛城秋河
嶽隨征騎行藏問白鷗尚餘知己戀臨發爲君雷

二

別恨憑詩遣趨陪感帝鄉交遊寬李郭篇翰走齊梁秋
識歸人興寒愁野客裝嵩門望京闕回首意茫茫

三

鴻雁中塗到青霜短鬢生仙壇晴倚杖嶽寺醉題名擇
友知貧好著書安晚成秋蟬飽風露敢說有餘清

四

自是無心者浮雲任往還官從長抱膝天許徧看山舊業昭亭在新營釣艇閒潛夫行著論安穩臥松關

清風店

店北故石將軍戰場李空同有歌紀其事

野店迎寒早秋原樹色分林端飛片月塞北起黃雲舊井村墟共荒臺鼓角聞戰場今不辨猶說石將軍

淇水

何年殘綠竹滿眼自清波地接蘇門水園荒瓠子歌秋聲炒草動寒影雁鴻過歎惜殷都古風流衛武多

宿百泉

有孫登嘯臺

殘照下溪灣孤僧度嶺還泉開深樹裏山響亂流間客

愚山先生詩集

卷二十九

五言律

三

夜月相待仙臺雲自閒何人憑寄嘯枕石漱潺湲

洛陽拜兩程夫子祠

每抱遺書讀如從杖屨遊兩賢墟里在百戰廟碑畱高視無曾閔微言竟魯鄒君看伊洛水千載竝東流

緱山廟

不知黃屋貴揮手出塵氛野蔓沒丹竈天風來嶽雲荒祠環嶂入仙藥幾人聞倘值浮丘子吾將鸞鶴羣

二

時偃師張松臺明府送別置酒于此

葉縣神仙宰緱山帝子臺尋幽歡竝馬惜別重銜杯鶴馭層霄遠秋聲萬壑來不勝懷古意捫碣徧荒苔

面壁洞

在少林寺後

一峰分五乳絕壁迴千尋路折羊腸險山穿虎穴深幾
人堪共語片石尚知心不用詢陳蹟茫茫自古今

贈登封葉明府并叙

吏隱名山窟高齋雲氣重翠屏橫少室明月正中峰苔
綠前朝碣秋清遠寺鐘興來飛鳥得何處有仙蹤

贈耿逸菴大叅

解官仍壯歲高臥向嵩陽城邑自花逕琴樽深草堂客
來林鳥散簾捲岫雲長家食閒應得相看鬢亦蒼

白松

密縣南五里一本三枝若鼎足膚幹全白惟向
東一枝微帶青葉相傳黃帝三女葬處靈異所

愚山先生詩集

卷二十九

五言律

五

生

仙宮傳古木拔地幹還分不受春風力常棲海鶴羣四
時渾帶雪千尺自孤雲遙問嵩陽柏同心應許君

朱仙鎮岳祠

痛哭班師處秋陰慘廟門餘忠回草木一死變乾坤白
日霓旌動空階石馬喧請君看此地萬古是中原

喜錦帆至自武陽

匹馬衝霜露衰顏會汴城浪傳空盡淚乍見擬更生老
健狂歌得官閒晚計成信陵餘朽骨誰肯問侯嬴

吹臺

上有禹王廟

李杜高歌後何人此共遊白雲嵩嶂遠疎柳汴城秋人

代歸洪水宮園識故丘荒祠銘禹德鼓吹未全休

別錦帆

時中州故人張謙明許菊溪彭禹峰皆下世

信宿同羈旅招尋底未閒故人多地下吾黨各田間白

雁橫秋遠孤雲急暮還吹臺萬古地遺恨不同攀

鐵堦

在大梁上方寺河患後城中惟此堦存其色黑故名鐵

大梁無舊物積鐵爾孤標浩劫經滄海寒光暗絳霄燈

明諸界徹鈴語百神朝莫上層欄望人間久寂寥

寄劉仲淑

君以廢刺鄆州時居司空公憂

弱歲知名久司空繼武才腸摧烏鳥痛客喜素交來得

句鄆州月傷離梁苑杯弟兄皆早達努力莫深哀

過汴不及拜張譙明墓追哭以詩

公疾篤江寧余及見于臥內舉

愚山先生詩集

卷二十九 五言律

十四

手微語曰願結來生未了緣

地下知音隔斯人在眼前最傷垂訣語何處再生緣大

藥金錢盡荒墳狐兔眠負君應腹痛不得祭橋玄

歸次秣陵遇親舊

近鄉家信急翻怯遇鄉人衰白驚猶在田園喜舊貧歸

帆風趣客浴浦月隨身自笑緣何出徒沽京洛塵

悼徐仲光

公隱于盱江之荷山撰著極富已酉春同遊昧源三谷

死生君不昧神理定何存良會同三谷鴻文竟九原名

高中壽少身隱寸心煩秋草荷山路憑誰弔墓門

聞徐州來多失意事

揮手冬春換閒居亦可憐稱心惟綠水無恙是東田夜

月蘿軒映秋燈竹屋懸多憂逢儉歲遮莫減詩篇

江月

十月晴江月微風夜未寒
依人光不定照影思無端
少壯隨波去關河行路難
平生素心友莫共此時看

與傅守備

從容裘帶客風義洽江湖
轉餉飛千艇畱賓釀百壺
野田秋獵罷鈴閣夜吟孤
不厭迂疎態時時問老夫

塗雪

一冬晴始雪殘歲却孤征
亂失雲山影寒衝澗瀑聲
喚船遲野渡立馬望荒城
漫說剡溪興驅馳過此生

懷溪園梅花

愚山先生詩集

卷二十九

五言律

五

別業雙溪曲春風著處幽
遙知紅蕊放定笑白頭愁
影亂樽中醪香寒竹外樓
故人誰與劇相趁出郊遊

敬亭采茶

一踏松陰路因貪茶候閒
呼朋爭手摘選葉入雲還
竹色翠連屋林香清滿山
坐看歸鳥靜月出半峰間

自敬亭翠雲寺步至一峰菴

地近獨松樹下有郡守羅公題額

山徑紆千折茅堂名一峰
門畱謝守碣樹比大夫松
草閣滿巖翠香厨臨石淙
詞人支許輩若箇來幽蹤

饒蔚宗江西書至言被放遊江淮

無限離居意憑書次第傳
濠梁秋倚棹廬嶽夜聽泉
被放豈文字薄遊淹歲年
濟時還汝輩吾已賦歸田

與涇川左稚姜書便面

羈棲老友在良會敢辭煩生計看書帙衰顏傍路人江
城連雨夜山館獨吟身茅屋堪歸隱桃花潭上春

園居校詩酬耦長數過有贈兼憶阮懷

比鄰餘汝在把卷數相尋不是窮愁客誰憐山水音竹
樽溪上綠草閣雨中深共憶尚書記燕臺正獨吟

懷半公化城寺

先是僧堂
峰創此寺

飛錫隨幽興扁舟就化城寒江牛渚見古寺雪峰名齋
罷夜燈靜人閒秋樹清莫將詩與畫垂老困逢迎

聞沈徵君先生屏跡湖北

草閣移何處崎湖自一山孤村流水在盡日白雲閒借

愚山先生詩集

卷二十九 五言律

七

榻偶畱客著書常閉關巖棲成晚計高臥幾時還

贈吳繁昌巢薇

吏隱獨風流山城擁上游心閒官牘少詩爲客僧畱明
月來天柱長江入縣樓行車仙嶂接望裏是浮丘



